


燕臺文選初集

詔教蹟議制
誥




			五	漢書門
			九	
			一	
			一	
			一	
			一	
冊	架	函	號	類

內閣文庫			
三		五	漢
二		九	書
四		一	
架	冊	號	類

內閣文庫			
番號	漢	55.1	
冊數	8(5)		
函號	362	78	

共八
別百廿号



書籍
銅

內閣
御

第五卷

詔

擬漢景帝戒二千石詔

魏裔介

擬嘉諭琉球國詔

方玄成

擬講議五經同異詔

王熙

擬唐圖功名於凌煙閣詔

張能鱗

擬漢藉田詔

馬猶龍

淺草文庫

五卷目錄

五卷目錄

一

教

擬修黃金臺教

周茂源

擬修淮陰侯廟教

顧開雍

疏

遵諭陳言疏

戴明說

請頒御製諸書疏

魏裔介

褒錄幽忠疏

魏裔介

用兵大勢疏

魏裔介

籌海疏

魏裔介

敬陳職掌疏

龔鼎孳

請罷蘇松權稅疏

陳惟芝

請購遺書疏

陳 爌

議

海防議

范廷元

踏勘蝗災議

魏裔介

江浙水災議

田庶

纂修明史議

方玄成

治河議

季振宜

制誥

擬唐以房玄齡杜如晦為左右僕射以魏

徵守秘書監參預朝政制

田庶 叔殷

擬宋以范仲淹參知政事富弼為樞密副

使制 慶曆三年

汪瀚 雲襄

燕臺文選

初集

雲間田茂遇髯淵父選定

廣平申涵光臯盟父叅評

詔

擬漢景帝戒二千石修職事詔

魏裔介

石生

詔曰朕以渺躬纂承丕緒仰託天下臣民之上。夙夜黽勉不遑逸豫省徭賦節膳御惟冀元元之民離阡危登康樂乃連歲以來年穀未稔訟

獄未衰盜賊未息是化不下寃而治無由進於古也二千石身膺司牧承流布愷其何以佐朕又安之且職司師帥縣邑長令所觀法也今或乘勢貪冒苞苴公行賢愚混淆農桑學校缺焉弗講閭里愁嘆弗獲入告為民父母將何如詩不云乎大車檻檻毳衣如綦咏大夫有畏民之實也其各殫心郡務毋翫法勿飾譽銷姦宄緩良善以稱朕意

吳梅村曰漢聲雄高詔體古直此兼有其神

似豈是優孟襲冠婢子舉步

擬嘉諭琉球國詔
 方玄成 樓崗
 詔曰朕聞景運聿興兆應揚波之瑞真人作睹
 化宣出日之暉邇者服則遠者來臣其人斯享
 其貢故越裳翡翠不寶異物而自供南海珊瑚
 爰介漢賓而至止金函光動長纓遜几杖之功
 銅柱風標太室有琅玕之錯如天如地本四海
 以爲心爾享爾王徵一方之慕義然天威不遠
 猶假戈鏗卽荒甸懷歸多皇斧鉞若文修始播
 而悅服旋殷蓋曩史之艷稱亦聖王所樂與茲

擬嘉諭琉球國詔
 方玄成 樓崗
 詔曰朕聞景運聿興兆應揚波之瑞真人作睹
 化宣出日之暉邇者服則遠者來臣其人斯享
 其貢故越裳翡翠不寶異物而自供南海珊瑚
 爰介漢賓而至止金函光動長纓遜几杖之功
 銅柱風標太室有琅玕之錯如天如地本四海
 以爲心爾享爾王徵一方之慕義然天威不遠
 猶假戈鏗卽荒甸懷歸多皇斧鉞若文修始播
 而悅服旋殷蓋曩史之艷稱亦聖王所樂與茲

爾琉球國。星分宿未。地接朝鮮。俗好樓居。人知
黍食。國分大小。亦傳中國之書。界邇東南。久被
前王之化。望星槎之指。萬里而遙。載斗極之杓。
歷時而屆。乃值開天之鼎。運聿歸。振海之乾綱。
遂易八閩之風濤。快觀九重之日月。且知援苗
格崇降之往蹟。以上尊王仁帝德於熙朝。拜表
金門。敷詞玉冊。雖滄海全歸。禹貢豈因勺水。以
增宏而辰垣遠戴。堯封亦慶小邦之知命。無遺
一矢。灑露已施。更錫三章。薰風廣被。甸服視中。

原之三表。漢過不先。帝王以天下爲一家。朕言
不再。爾其欽承寵渥。毋煩大武之三曾。恪守屏
藩。永贊休文之四訖。欽哉。毋忽。

田髯淵曰。高文典冊。燁燁神光。長卿見此。必
爲閣筆。何況陸賈諸人。


擬講議五經同異詔

王

熙
胥庭

蓋聞道惟上制。述聖允昌。典在庶民。反經則起。
 煌煌典訓。孰闡明之。渺予一人。大責攸屬。乃指
 靡依。歸意義罔昭。道本弗明。行焉鮮效。諸卿大
 夫。號曰翊贊。坐視汶閣。儒術云何。漢承弊秦。褒
 顯聖業。建立五經。為置博士。士多精進。各執論
 家學。雖務博而要。先一貫。章句多蔓。訓行曷由。
 其令諸儒。深心研攷。舍其支離。聖言簡奧。俾切
 中庸。畫一茲崇。永久是賴。於戲勉之。

田髯淵曰。簡嚴不輕下一字。真是西京之遺。胥庭先生視草花磚。東觀著作稱一時巨手。存此以見盛世之文。自有體裁。非纂組爲工。下同靡艷也。



擬唐圖功臣於凌煙閣詔

貞觀十七年

張能鱗

玉甲

詔曰。開天創業。固一人之仔肩。翼運匡猷。惟群工之弼亮。况承隋統。非左右何以經邦。更繼父勲。必文武始能續服。司徒趙國公長孫無忌等。弘濟大烈。迪宣忠勤。抒謀天策。委質藩封。或立言立功。立德並建。非常或忘私忘家。忘身各垂不朽。屯難以之式廓。皇風于是丕揚。匪載丹青。曷傳彝鼎。在昔甘露之佐。麟閣紀其勳。建武之

英雲臺標其盛弘茲令典繪乃新圖可並載于
凌煙閣庶一時俊傑鼓舞而不衰奕世子孫仰
瞻于勿替欽哉

龔晉之曰時尚宮體率矜華耀縉惟先生此
作典雅大方足式涓靡

田髯淵曰此先生院試作也先生持衡吾鄉
聞一時作人之化有起衰之功披展斯製具
有先資不獨燕許大篇足以黼黻盛治

擬漢耕田詔

馬猶龍 天御

蓋聞古者篝車徧野粟盈於庾元元懷樂生而
風俗淳茂禮樂可興朕甚慕之豈其自生自殖
以至於是撫亦上之躬先率作者有道也原上
帝命予之意以匡民生耳歲勸民樹藝而野不
加辟民食寡之何以致此意者天時有不和地
利乃不出與抑道民之路不明從事焉尚寡無
以順天時盡地利也今朕率公卿諸侯親耕於
藉田以勸天下農書曰先知稼穡之艱難禮曰

貴○賤○皆○有○事○於○天○下○其○務○人○人○致○之○

田叔殷曰天道豈可知耶以天御知淳而矢也此其研心古學擬作而證於予者言簡意周蘊蓄不盡與漢人莫辨作此能幾何時而忽焉而歿也豈其天道不可以人事齊抑古今之恨多如此耶將執人之淳薄不可以論世也彼笥藏著作予不忍卽求之於其堂上人此檢予藏而得者嗟乎文不止此而人止此矣

喬文衣曰天御穎才茂行赫赫於時方髯淵泉集諸文已卧榻不起待其起而索其文孰知白玉樓成不容長吉多年也此詔淳深雅亮足徵稔於治體其他所當有箚集於此已覘其學

燕臺文選

初集

雲間田茂遇鬻淵父選定

同里杜同春子曠父叅評

教

擬修黃金臺教

周茂源

宿來

綱紀。夫得人為寶。義蘊前哲。築宮改事。爰著來
茲。維茲黃金臺者。昔燕昭王之所建立。禮從隗
始。豪俊雲會。用能雪耻。恢疆。卒號令辟。殆稷下
之居。且非廣益。夷門之駕。未足鳴謙者矣。然而

歷祀綿邈。率就荒頽。祁山業業。祇瞰修原。易水
瀾瀾。日祭故址。娛賓之館。終蕪趨士之蹤。蓋寡
感遠存往。良為憮然。其可議興廢之工。景好賢
之烈。思人則愛其樹。意庶幾乎將同。靈光之殿。
久而勿傾。奚至姑胥之臺。徒遊麋鹿主者。施行
田髡淵曰。宿來少工。徐庾家言。凡所著述。皆
一空作者。今又得鷹垂蜚聲。揆藻後先。掩暎
真庾家之有子山。徐氏之有孝穆也。

擬修淮陰侯廟教

顧開雍 傳南

綱紀夫鴻功在器。輔光彌遠。昔猷緬邈。傍嗣增
懷。淮陰侯投力傾天。圖隙武世。智邁英思。挺皆
不戰。體魏上畧。逢則奇才。固已擅周牙而韜猛。
契齊吾以發機矣。洎乎踰濟銷風。浮江靜土。光
皇自帝。徒步假王。則有道極人臣。義淵國禮者。
焉。原夫三分搖足之年。雲夢流離之日。神人悼
嘆。功爨無名。茅土歛靈于舊楚。神貌存英于綿
祀。尚想遺風。永聆哀痛。何可使哀湍在道。壞雨

燕臺文選
榑楹恭敬。墜夷莫此爲甚。夫毀祠禁淫。不赦重
瞳。報怨傾危。未遺忍詢。便可以時修舉。崇大棟
桷。用使漢室戎功。昭列淮浦。日月報嘗。自茲日
始。主者施行。

田髯淵曰。偉南近著甚富。以郵筒未達。不得
盡收。僅存其一。以志羽儀。

燕臺文選 初集

雲間田茂遇髯淵父選定

邗上吳綺園次父叅評

疏

遵諭陳言疏

戴明說 道默

臣畿輔陋質。久荷天恩。近當謫降之餘。過叨
賜環之典。恭承明詔。求言祇覺捐糜無地。敬竭
一得。列爲六要。敢爲我皇上陳之。
一曰帝學之要也。皇上聰明建極。究心典籍。

手不釋卷。典學之功。可謂勤且至矣。然臣之妄
進一得者。則曰深以思之。實以行之也。古人之
書。原留以爲萬世治平之具。孟子曰。思則得之。
申公曰。爲治不在多言。顧力行何如。臣願皇
上觀古書一事。則思維其理。此理在今日當如
何辨別。明古人一理。則體驗其事。此事在今日
當如何處分。慎思繼以篤行。擇善保以固執。由
此觀前代主術之強弱。即可得明斷之所由。崇
察前代行政之得失。即可得張弛之所由。濟體

前代人品之忠佞。即可得用舍之所由。夾如此
則讀書一篇。卽收一篇之益。讀書一日。卽致一
日之功。心法治法。合爲一體。仰法堯舜。無難矣。
一曰在內用人之要也。竊惟皇上所借爲股
肱心膂。康乂大業者。惟院部諸大臣是賴。然大
臣出於京堂。京堂出於翰銓科道。四衙門之儲
蓄。公輔蓋猶水之有源。林之有藪也。必慎養厥
初。蘊植有年。暨其老成。收而用之。乃可有濟而
無匱。臣願皇上以詞林專責內院。以銓司專

冢臣以御史專責掌院。以科員專責吏科都給事中。凡遇考選。慎選端正之器識。確核貞良之學行。以爲異日擔承大事地。授事之後。凡詞臣有留心黻黼。苦志經術。銓司有清通簡要。澄敘人才。言官有補君德。匡大政。斥大奸者。不妨顛請不次之擢。以爲黽勉盡職之勸。則賢者畢智。誰肯自居於愚。勇者盡力。誰肯自居於怯。磨勵薰陶。遲而又久。學術正則王道自平。清議嚴則國是自肅。異日循級而上。不問而知其濟濟矣。

若四衙門考選不慎。鼓勵無術。逐隊墮班。人復一人。序俸循資。日復一日。未幾而官階崇矣。體面老矣。交遊廣而知交多矣。及躋要地而後指而嘆曰。是不足以當大臣之任也。無論紛紛攻擊。抱蔓之後。有踰尊踰戚之嗟。即使嘿嘿曲容。瓦全之餘。恐多負乘覆餗之慮。其如國事何哉。語云。三年之艾。不蓄不得。又曰。十年樹木。草木猶然。况人材乎。如謂舍四衙門而別爲皇上求濟時分憂之大臣。猶畫餅飢饉。此必不可得。

之數。至四衙門人才難得。如告假工科左給事中。陰潤。定力淵識。不畏強禦。臣詢公車諸人。知其病養漸痊。宜勅晉撫勒催赴補。以盡公而忘私之義。原任詹事學士。今外用告病。王崇簡。靜識篤學。士林雅望。未竟其學。二臣者。才品皆堪大用。倘蒙破格恩錄。建樹必有可觀。

一日在外用人之要也。臣恭讀勅諭。首及知府一官。仰見我皇上求治恤民至意。臣推廣神謨。究心吏治。則目前當急議而不可刻緩者。莫

過於藩臬二官矣。一省之錢糧。總在藩司。一省之刑名。總在臬司。一省之官評。無論府廳州縣。卽守巡學鹽糧驛各道。無不總在藩臬二司。是藩臬關切地方。不減撫按。皇上方日以國用不足。民命可惜。吏治不清。爲念而不慎擇一主計。清刑司官。評之人可乎。今之陞藩臬者。才不論長短。薦不論有無。俸及便移。如老生待貢。不痛不癢。必得而後已。今之任藩臬者。官級峻。則體貌隆。日與撫按同城。情面熟。則舉劾恕。進之

有立躋建牙之榮。守之有永享安富之樂。如藩
臬而有不賢乎。從來劾藩臬者幾人。使藩臬而
皆賢乎。從來會推督撫。亦何屢嘆乏才也。蓋通
省錢糧版籍。刑名文卷。充案盈几。而合通省侵
隱之老吏。舞文之奸胥。悉其聰明以欺一人。况
水旱頻仍。兵興絡繹。各官之言清行濁。小民之
干瘡百孔。復頭緒紛雜而不可究詰。無論操守
貪汙不可一朝居。卽年力不壯則精神不足。理
煩才具不敏則智慧不足。詰奸學問不深則經

權不足。應變兼此四者。而後稱任。豈不難哉。伏
祈皇上推廣慎重知府之意。令內外諸大臣
於見任方面中。不拘本屬。嚴擇才品。每人保舉
堪任藩臬者一人。勅下吏部都察院科道官從
公覆核。以憑上裁。則藩臬庶乎得人。知府旣黽
勉於下。而藩臬復剔勵於上。將國計民生。官評
吏治。無不煥然改觀。亦併可備異日督撫之選
矣。

一日開言路之要也。臣俯仰今古。每嘆言官之

難盡其職也。臺諫以天下公論爲重。上補袞闕。則有逆鱗之憂。卽下糾權門。亦多履虎之患。向來建言不當。不過罷斥而止。自流徙之罪行。而諸臣無不談及色變矣。一介行李。萬里冰天。拋父母。違宗族。餓死無處乞食。凍死無處貸衣。伶仃折磨之苦。幾與死等。彼不言者。坐致清華。身依日月。建言者何辜。原其初心。不過以不忍緘默。不敢負國者。招尤至此。不亦可痛哭流涕也。長言而當者。未見優異。言而不當。便沉苦海。臣

恐尺牘未補。而寸腸九迴矣。我皇上開闢之主。而言路顧畏已至此。積漸至數十世。數百世。當何如。廷臣今已有爲流徙諸臣請命者。臣愚以爲赦罪之仁。猶不如變法之廣。伏祈皇上除諸臣爲事情罪輕重。自有乾斷外。若罪止於建言者。望永除流徙之條。仍着爲令。使億萬年睿子神孫。咸知本朝優容言官。忠厚開國之意。其以鼓勵忠貞。培植靈長。非淺鮮矣。一曰兵事之要也。諸臣議兵餉者。章滿公車。近

復下各省文武條議。臣恐司民社者。皆曰苦兵苦荒也。能一一蠲賑之乎。司封疆者。皆曰兵單餉薄也。能一一增補之乎。臣謂當兩置之時。而籌其兩善。惟有令見在之兵。實堪戰陣。不至有虛糜坐食之患。卽是愛民。令見在之餉。實裨秣厲。不致有稽遲侵冒之慮。卽是愛兵。而臣於諸臣條議外。謬抒管見。一曰練兵。不如練將。今撫臣旣無巡歷之舉。又禁叅謁之文。闔省諸將卽年力老少。藝勇優劣。全不謀面。一旦有警。憑何

發縱。當勅各該撫臣將本省營將。時行簡閱。如果其才技勇健。真堪殺賊。卽當留爲衝地之用。其才守平庸。無裨折衝者。不妨量調簡僻。無滋延悞。逐鎮核明。立時奏聞。蓋將旣精明。自兵無惰窳。一曰裁兵。不如裁官。臣以中州言之。南陽襄縣相距咫尺。設有兩鎮。每鎮額兵抽調外。實數不足二千。兵額尚不及舊時一路將。乃一鎮有一鎮之經費。平居旣苦消糜。一鎮有一鎮之號令。有事復難提調。臣愚以爲不如歸併一鎮。

似屬長便。凡他鎮之兵少官多者。俱可做而行之。以節物力而專統轄。

一曰民隱之要也。民間疾苦。除經諸臣條議。不敢贅陳。目前可議者。莫如濼田屯政二事。一曰暫還久濼之地。以繫人心。普天之下。王土王臣。朝廷圈地養兵。分義無辭。常見旗下田地被災者。復以濼糧給之。夫圈地予兵。既有損於民。而復分漕償濼。則又有損於國。臣愚以圈占之地。除旱濼得收者。自無容輕議。凡畿輔連年犯水。

屢被災荒之地。合無量查還民百姓。卽得濼地。未必遽有收穫也。但恒產誰肯棄之。地有隄防。則必圖修築。地有溝洫。則必計疏濬。窮民借僱。覓傭工之計。或少緩須臾之死。南畝中多一荷。鍾負畚之窮人。溝壑中卽少一流徙轉死之餓殍矣。量退無益之濼田。少繫有用之人心。較之勸賑輸粟。似屬有益。一曰急停無益之屯道。以便開荒。臣親見中州百姓朴愚。自屯田之令下。而相顧疑畏。有慮屯田草豆收後。仍苦運送者。

矣。有恐草豆浥爛。仍令百姓賠補者矣。有慮屯田百姓將來籍之爲民兵者矣。是以屯道令之與屯不勝攢眉苦難。而有司令之開荒。尚可竭蹶從事。况屯本見費朝廷詎萬屯道顧畏法令罔不兢兢然。衙役之出納。能無侵漁乎。本息之收放。能無輕重乎。彼屯官屯長。誰非魚肉屯戶之人。卽串保互結。疇非瓜分屯本之具。萬一屯戶有逃亡死徙者。而屯本之拖累株連。正未已也。若查照屯道。每年開墾額數。責成守巡道。每歲勸墾。嚴加考成。虧額卽行叅治。百姓必欣欣然從之。夫費朝廷之屯本。而反累朝廷之百姓。究之開荒。必不能多者。用屯道是也。不費朝廷之屯本。而併不累朝廷之百姓。究之開荒。可以多於屯道者。責成守巡道是也。臣身未歷他省。不敢懸揣。若以河南腹心之地言之。求其省屯本息民艱。而圖開荒實政。則莫如停罷屯道之爲便。

田鬲淵曰。剗切詳明。實裨經濟。山之至言。謹

耻言人之過失。化行天下。興於禮義。唐太宗貞觀之初。人皆異論。必不可行。帝道王道。惟魏徵勸行仁義。不數載。華夏安寧。夜戶不閉。後太宗謂羣臣曰。此徵勸我行仁義。既効矣。堯舜湯武之後。若此二君者。誠知治道之先務。得體元之大法也。况我皇上平日事事欲以堯舜爲法。不屑屑於二君者。自受命御極以來。十三載於茲矣。薄海內外。莫不戴之如天地。而親之若父母。然而風雨未時。盜賊未息。刑獄未措。禮義未

興。又且災異迭見。皇上晝夜皇皇。以三週自責。恩所以致太平。而欲求其効。臣以爲用力少。而成功多者。尤莫先於以教化爲急。深恩厚澤。以結天下之心也。蓋固結人心者。所以祈天永命。而祈天永命。所以報答祖宗。今刑獄日繁。而禮教或缺。士乏廉退。民逾囂凌。非諄諄訓迪。又烏能風移而俗易乎。臣昨面蒙皇上賜讀戒殺彙鈔。欲印施三萬本。以化導俗氓。夫豈不知律有明禁。而復假書以爲勸戒者。誠以法之及

人者淺教之。及人者深也。然則天下臣民。皇
上欲教養而全之。又不知如何矣。臣聞皇
上御製有人臣儆心錄。資政要覽。順治大訓。勸
善要言。範行恒言。孝經衍義等書。所以遏惡揚
善。闡明聖道者。甚至伏望仁恩。廣暨遍賜羣臣。
其順治大訓。勸善要言等書。仍懇頒發直省學
官。每學一部。俾誦讀講解。使天下之人。孜孜然
共砥礪於白新之路。而潛消默轉其不肖之心。
將見風俗淳美。刑罰止息。遠追堯舜。近邁漢唐。

好生之德。同符天地。鴻號豐功。書之史冊。垂麻
萬世無窮也。雖然。臣更有請焉。孝經一書。臣往
歲曾具疏上聞。欲於科舉頭場出題。禮部覆疏。
於後場出題。然未見實實遵行。再請勅照前議。
庶孝經大行於世。而士子之學術。有本。楊繼盛
之忠業蒙皇上殊褒。刻表忠錄。賜言官。若御
製序文。似宜鐫碑祠前。寵慰幽魂。且以風動後
來。節義之士。統惟睿鑒施行。

周子儆曰。敷陳王道。培養元氣。是本朝第一

篇名奏議

喬文衣曰不媿尚德緩刑書

[Faded bleed-through text from the reverse side of the page]

請褒錄幽忠疏

魏裔介

石生

臣聞運邁昇平。則良臣奏績。時逢板蕩。則烈士
腐心。故有刎頸血裾。而酬解推之遇。焚身湛族。
以報國士之知。勁草疾風。表貞心於歲晚。成仁
取義。樹砥柱於波流。雖慷慨從容。不必一致。要
皆負乾坤之正氣。與日月而爭光。是以上代之
君。莫不旌表忠魂。崇重節義。昔武王入商。封比
干之墓。明祖定鼎。建余闕之祠。夫比干。乃殷室
之孤。臣余闕。實有元之義士。然而一王一帝。他

務未遑。首先嘉尚者。誠以維持風化。振勵綱常。俾一代之臣子。知所軌範也。自明政失御。寇焰滔天。龍髯飲恨於鼎湖。坤配遺絃於椒殿。君死社稷。臣罹凶災。誠致命遂志。肝腦塗地之秋也。一時在位諸臣。雖不能策馬揮戈。如瞻尚之死。於綿竹。力疾苦戰。若卞壺之死。於清溪。然亦有仗節殉君。橫尸闕下。金石可勒。其貞松筠不改其色。摧蘭蕙於一朝。流芳聲於千載。斯誠上帝所矜憫。聖朝所嘉獎者也。伏惟我皇上受天

之命。奄有方夏。凡所設施。皆足驚軼前代。爲憲後昆。而昨奉 上傳。闡揚明季之遺忠。振發幽冥之生氣。尤爲化導之先資。敦勵之大典。方之周武王。明太祖。蓋不約而同符矣。以臣所聞。當年寇破都城。殉難而死者。閣部卿寺。則有大學士范景文。左都御史李邦華。戶部尚書倪元璐。兵部右侍郎王家彥。刑部侍郎孟兆祥。副都御史施邦耀。大理寺卿凌義渠。太僕寺丞申佳胤。詞林臺省。則有翰林院左諭德周鳳翔。右諭德

劉理順宮允馬世奇檢討汪偉吏科都給事中
吳麟徵戶科都給事中吳甘來監察御史王章
陳良謨陳純德部屬新進則有吏部員外許直
兵部郎中成德戶部郎中周之茂兵部主事金
鉉中書舍人宋天顯進士孟章明順天府推官
劉有瀾勛戚中則有新樂侯劉文炳惠安伯張
慶臻宣城伯衛時春附馬都尉鞏永固東宮侍
衛周鏡司禮監內臣王之心斯皆一時死難之
臣彰明較著者也伏乞 皇上將臣所奏發下

該衙門再行查訪實蹟或質之故老之見聞或
考之同鄉之公揭訛者去之遺者補之倘體訪
既明卽行題請宣付史館浩氣常留於汗青祀
諸鄉賢芳聲永薦於俎豆庶精靈夫氓將宣力
於興朝頑懦可風亦儀型乎來葉矣

田髯淵曰文章須有關係諸公之節炳于日
星先生之文亦與之不朽矣聞發幽忠振揚
未俗在今日奏疏中以此爲第一不獨詞意
雅飭得入告之體也

用兵大勢疏

魏裔介 石生

臣昨跪誦上傳諭令內外大小各官精思職掌有官守者必盡其職有言責者必盡其言臣職言兵者也雖未嘗披堅執銳習於戰陳然嘗觀古人已往之蹟因以察其權便之故每見開創之君所以平定天下者必先定其規模然後命將出師雖萬里之外如觀之於掌上史籍所載漢唐宋元明諸君其混一之方畧可考而知也大約審於先後之宜明於戰守之勢信其賞罰

之。權。裕。其。軍。儲。之。備。得。其。撫。綏。之。人。攻。則。無。有。不。取。守。則。無。有。不。固。矣。夫。我。太。清。以。天。下。無。敵。之。兵。當。元。二。三。年。之。時。海。內。望。風。歸。附。取。滇。黔。定。蜀。粵。如。反。掌。之。易。耳。然。則。劉。文。秀。復。起。於。川。南。孫。可。旺。竊。據。於。貴。州。李。定。國。自。隙。於。粵。西。張。名。振。流。氛。於。海。島。連。年。征。討。尚。連。天。誅。將。士。暴。露。甲。冑。生。蟣。虱。輸。糧。運。草。天。下。之。民。未。獲。休。息。皇。上。不。免。肝。食。之。憂。者。何。故。前。之。所。以。攻。之。者。是。矣。後。此。所。以。撫。綏。之。者。未。得。其。人。故。也。往。

事。誠。無。及。矣。臣。且。得。借。箸。以。籌。目。前。之。局。面。可。乎。夫。平。西。屢。勦。根。蠟。等。勁。旅。控。扼。漢。中。此。賊。之。所。望。而。震。焉。者。也。撫。臣。李。國。英。綏。輯。軍。民。流。亡。漸。復。賊。當。奔。敗。之。餘。其。氣。已。喪。不。敢。復。出。誠。無。足。慮。川。內。窮。荒。人。民。俱。絕。得。其。地。不。可。用。我。似。非。進。取。之。時。然。而。秣。馬。勵。兵。待。時。而。動。不。可。一。刻。忘。進。取。之。謀。蓋。蜀。爲。滇。黔。之。門。戶。自。古。取。滇。黔。者。多。繇。於。蜀。蜀。旣。收。而。滇。黔。之。勢。如。破。竹。矣。故。蜀。不。可。不。先。取。此。西。南。之。情。形。也。洪。承。疇。駐。

兵長沙。又有大將軍陳泰季思哈等。鼓行而南。遵時量力。自有方畧。非可漫爲遙度。昨臣見都察院士賴等題請撥軍選將。攜帶家屬。駐於武昌。夫家屬旣往。不至征戍往來。則滿洲兵士之困苦稍息。爲今日安邊寧民之要策。急宜允從。但家屬雖駐於武昌。而輕兵宜分駐於長沙。庶可東西兼顧。以備征剿。願皇上之留意也。粵西形勢稍弱。賊思狂逞。昨歲桂林之役。小懲而未大戒。必且復圖再犯。以牽制我湖南之師。然

竊聞道路之口。李賊與孫賊近頗不睦。宜令兩廣藩王與督撫鎮之兵。相機戰守。步步蹙之。得寸則寸。得尺則尺。我大而彼小。我衆而彼寡。更番迭出。擾其耕牧。奪其險要。則賊勢自潰。此三方者。李賊較易。先破李賊。則孫賊有膽落之勢矣。然欲三路大舉。平定滇黔。一勞永逸。則非廣積軍儲。爲長久之計。不可耳。至於水寇豕突。焚搶之慘。沿海騷然。若不早爲蕩平。事久變生。延蔓滋大。今雖大兵南征。彼窮海游魂。豈不爲奔

竄之計。仍請。皇上嚴勅督撫鎮將。盡力合勦。定限蕩平。要兵與之。兵要餉與之。餉要船與之。船三者備而海寇不靜。治諸臣不効之罪。則有皇上之三尺在。臣所謂先定廟算。明賞振罰。以圖天下太平者此也。倘蒙採取未議。見之施行。將見規模既定。攻則無有不取。守則無有不固。生民免干戈之患。河海有晏清之期矣。

楊猶龍曰。隆中之谷。登壇之對。捫虱高風。又見之於吾友。

籌海疏

魏裔介 石生

今天下民生何以不得安哉。雲貴有孫可旺之餘兵。海上有鄭成功之游魂。征調繁興。往來不已。旗下繕修器械。買辦馬匹。民間預備糧草。供應飲食。銷算正項。所費無窮。語云。行師十萬日費千金。今日則興師一萬。日費不下千金也。在督撫羽書告急。朝廷不得不發。熊羆之禁旅。以資廓清。然最可恨者。大兵至而賊遯。大兵旋而賊復來。是以逸待勞。賊之狡計得行。而我反困。

於道路之奔走也。豈可爲得算哉。臣聞雲貴所藉兵力。洞蠻爲多。而洞蠻之所以不歸者。以朝廷欲追其前朝勅命。夫招攜懷遠。因時制變。但期歸順。給以新命。何必追其前朝之勅。待嚮往之後。徐圖收繳。亦未爲晚。宜勅下經畧。明諭招徠。勿失信於遠方者也。至於進取之機。則經畧與平西王自有方畧。臣無庸贅言矣。惟是海上之事。日日造船。而未見揚帆之用。年年發兵。而未奏獻馘之猷。則臣竊疑之。蓋鄭氏自明天啓

之季。作亂海上。三十年於茲矣。出沒波濤。其長技也。我雖大兵雲集。彼豈敢出而一角。若揚帆於大海之中。以擣其巢穴。我之水師。旣少而又。不練。亦必不能。然而彼中督撫。皆未見鑿鑿說破者。臣竊恐其以造船爲借口。而究竟未有實用也。以臣之愚見。請皇上擇知兵大臣一員。前往浙江福建沿海一帶。逐處察考。某處緩不。必備。某處急宜備。某處兵多無用。某處兵少宜。添船可造。則造。船若必不能下海。則省其銀錢。

以募兵沿海數千里。布置嚴密。使賊片板不得到岸。蓋沿海雖長。臣聞入犯之港。皆有緊要築堡扼險。練習火攻。設伏勦擊。其勢亦易。督撫鎮道將。俱移近海堵禦。勿得遠居無事之地。其滿洲大兵。酌量緩急。留鎮要害。不必頻頻多發。使賊聞風而去。徒勞無益也。誠行此法。不過一二年。賊不能上岸搶掠。必坐而受困。然後招其攜貳。散其黨與。量移內地。勿致復蔓。海寇可以漸平。海寇平而我兵威益得。益力西南民生有安。

松之日矣。

傅掌雷曰。將天下全局。了了胸中。算無遺策。自是李文饒王文伯一流人。

皇上者。惟期盡風紀之職耳。職忝爲御史之
長。必諸御史各盡其職。而職之職始盡。亦必職
自盡其職。而後可以責望諸御史。請先言御史
之職可乎。夫御史一官。設置最久。原不始於近
代。言事其專職也。乃諸臣固有積月累歲。建白
無聞。而止以行驄鳴職守者。立朝旣乏正色之
風。攬轡安糞澄清之效。况今開創伊始。規模遠
大。何事不需講求。上自廟謨。下而民隱。以及人
才消長。吏治貞污。紀綱法度之交修。仁義富強

之兼濟。言一事務。令天下蒙其麻。論一人。必使
盈廷服其正。是則虎豹在山。藜藿不采。所以遏
禍亂而尊朝廷也。職願與諸御史約。自今以往。
各循省國家設立言官之意。力矢公忠。共期蹇
諤。倘因循積習。緘默不言。及撫拾細微。塞責挾
私。顛倒是非。職皆得以白簡糾之。使諸臣於君
國實有補益。則風采自堪畏愛。臺班何慮摧頽。
職所爲諸臣砥者此也。至職職司表率。備員大
臣。貞憲肅度。秉道絕欺。國是必爭。羣僚嚴憚。職

之職也。若條舉一事，指摘一人，與言路諸臣爭長。建白非職之職也。職持廉，乃可責諸御史之廉。職奉公，乃可責諸御史之公。職守正，乃可責諸御史之正。其或徇情面，通賄賂，愛身家，不愛朝廷，畏私交，不畏君父，豈惟國法清議所難追，抑亦天地鬼神所不容。職不敢也。職既以此自砥，亦願諸御史共為凜凜也。今天下民困極矣。數十年來，兵火迫之，賦斂迫之，貪官污吏，水旱盜賊，又交迫之。幸逢開天之主，視民如傷，與古

帝王猶病其咨同一仁愛。而太平猶未立，奏職誠中夜疚心，謂臣工之忍負皇上，故先自治而後治人。請自職與諸御史始，伏乞聖明鑒飭施行。

田髯淵曰：先生諸疏皆裨益國計民生。此則霜鋒鐵筆，嶽嶽不阿。魏相封事，無以過之。

請罷蘇松權稅疏

陳惟芝

臣惟王者四海以爲家則天下之財皆其財人君損上以益下正謂百姓足而君亦足此古帝王坐享安寧不屑屑焉以其身爲利役也我皇上二十七年以來仁烝惠洽蠲賑頻施絕口不談利海內喁喁頌堯舜之治久矣近因大工繁興征討四出致我皇上日墮匱乏之憂博求理財之策不憚芻蕘獻議誤爲奸民所中勤權利之使絡繹道途凡欲利國以足用也然使

有利而無害。抑使利多而害少。則舉朝大小臣工。何苦嘵嘵犯天威。爭是非哉。誠有審於利害。倚伏之機。毫不容爽。不忍損皇上今日之令名也。臣以謏薄。謬辱封疆。識見不逮諸臣。乃一念樸忠。兢兢焉思以安民生。弭釁變。少追曠職之罪。求稱任使之爲幸耳。頃准儀真供用庫左副使暨祿手本。欲臣查照原行題奏。欽依內事理。轉行欽遵等因。第查原題有云。自應天寧泰至者。蓋浮江而下。經過儀真。則稅有云。自蘇

松常鎮來者。蓋挽江而上。經過儀真。則稅。卽往年儀真稅司成規。具在可核而知也。臣方欲具疏請明。間又接邸報。見錦衣衛百戶陳道元一本。爲乞復久廢之課。查徵不稅之商。以助大工。以資國用事。奉旨。這所奏蘇松常鎮四府。發賣各省貨物稅課。有裨國用。就着織造司禮監太監孫隆。不妨織務。帶管督率原奏官民前去。彼處會同撫按等官。照例徵收銀兩解進。不許擾害地方。恭誦。綸音。仰見皇上垂念重地。

不忍擾害。不忍別差。止以織造帶稅。意亦陰折。細人罔利之謀。甚盛心也。而又直開蘇松常鎮四府。以示別於儀真。臣亦曷敢再有陳竇。惟是江南諸郡。我太祖龍興之地。根本攸關。年來水旱凶荒。民命亦孔亟矣。且如蘇松常鎮四府。每歲錢糧。可當別處通省之數。而坐派織造。而進宮金花。又緊急不貲。而防海兵餉。而辦料燒磚。更累添不已。試觀今日。閭閻匱乏。日甚一日。民間生意。不過展轉糊口。竭蹶以湊公家之急。

耳。顧其那東補西。拮据萬狀之情。特皇上未之見也。倘見之。必憐之。而又安忍稅焉。柰何武弁之流。不能仰體皇仁。巧立土著土商土產名色。必欲取之盡錙銖。而所進者。十一侵之如泥沙。而所尅者。十九。卽有內臣監督。豈能一一照管。夫以西北之軍需。咸取足于東南之民力。則此四郡者。於皇上爲孝民也。亦豈不能任其買賣營運。而謂之不稅之商可乎。皇上試忖度之。江南諸郡。可否再加稅乎。江南百姓。可

否再堪此乎。臣恐城市騷驛，商民轉徙，勢所必至。雖皇上諄諭不許擾害地方，第財非天降，亦非地湧，土著土商土產，皆地方之民之物也。卽欲不擾其令安所之乎。又豈皇上以蘇松常鎮當此不爲厲，各省俱徵，舍此有遺利耶。試取海內諸省而較之，幅員孰與狹，錢糧孰與重，國家倚辦孰與多，則知此四府者不當與各省例也。聞今各省之民征斂無藝，已不堪命矣。矧四府乎哉。及閱陳道元條議，筭及米竹典當等

項差及叅隨等二十餘人，臣益不勝驚惶。夫太監孫隆久歷地方，服役有人，以膺皇上之命，彼豈無定見定議者，乃代爲條議，何爲也。代討叅隨多人，何爲也。得非恐孫隆持重不擾，而欲以多人擾之耶。又得非恐孫隆一一奉公守法，難肆侵漁，而必欲以多人銜命而出，溷逞攘臂之勢耶。蓋此輩權一到手，橫征暴斂，四分五裂，任意芻落，以充私囊。雖太監亦有不得而鈐束者，地方商民只有吞聲長嘆而已。利歸羣小。

怨歸朝廷其所關係理亂之際豈淺淺哉夫此一蘇松常鎮也據陳道元條議從瓜儀口入者屬之儀真從鎮江口入者屬之蘇松已奉欽依萬萬與儀真無干臣不憂其重稅矣獨念四府之民財盡不勝所求力疲不勝所竭而寬恤之仁特於 皇上有專懇焉蓋君民一體休戚相關 皇上有不得已之費卽額外有徵固民義所當供然民愈窮而斂愈急則愁離載道釀成意外之變亦 皇上所不願者臣任地方之責

安敢坐視而不言伏乞 皇上俯憐江南赤子平日駢手胝足輸將供 上殫心竭力轉漕實邊特隨其土產交易將新添稅課慨然賜罷則寬一分民受一分之惠也豈獨江南萬姓鼓舞呼天而根本既固宗社永昌矣

田髯淵曰此中丞公撫吳時疏也中丞公當年多惠政甘棠之愛至今弗衰後長君胤葉公復仕吳之由拳余時謬膺賞拔更得贊見今宮詹先生越今幾二十年先生出疏稿示

余特爲登選。知古良臣。憂國盛心。不可泯也。

二六二

請購遺書疏

陳 曠 公朗

臣聞爲治之道。貴不相襲。然事不師古。而能有濟者。未之前聞。蓋古事者。今事之鑑也。古人之言。卽古人之事也。其大者。揭於經傳。詳於國史。小亦散見於郡誌邑乘。以及草野之著述。卿大夫之紀載。其間所行所言。或得或失。一折衷焉。皆可資損益。而訂謨猷。如今日者。皇上虛懷求治。念切民生。廣開言路。皇皇然勤政之暇。披閱經史。至午夜不寐。宵旦經營。殆將從書冊中。

燕臺文選
求爲今日之實。可見諸行事者。不欲絕遠於古也。但往代兵燹之後。書籍散佚。數年以來。又方在開創。勢難搜輯。取資或畧。臣昨於十年三月。檢遺書於內院之東樓。見在簡帙錯亂。歷四十五日。始獲就緒。而成集者。僅千百之一二。惟永樂大典一書。藏於皇史宬者。有二萬二千八百七十七卷。然以韻爲母。事從其類。文無綱領。第可備考核而已。臣謂上之好文如此。而書籍散落。無以仰佐高深。則搜羅宜在今日矣。敢乞

詔示天下。廣集諸書。各隨方域之所有。特加購求。並同四方郡縣之志。上貢天府。俾如丘如索。咸備觀覽。其有宜於古。仍宜於今者。在皇上立行之。卽有宜於古。不宜於今。皇上亦得其意。而善用之法。無一定理。則同原此中。兼寓審時勢之道焉。豈惟用參德刑。寬猛之宜。併可以知天下風俗。淳澆。扼塞要害之區。臣故謂書宜廣搜也。曩臣衙門請實司經局。久已得旨。所未見齋解。况今購求仰備。睿覽。又萬萬與

經局不同。敢乞天語允行。責成學臣。專董其事。卽酌空廩。空俸。學田。用給書值。按季解送。至若非聖之書。拒絕勿納。天下雖大。不出階序。而運矣。然臣尤有請焉。學校之設。作養人才。自兵革以後。郡縣學宮。鞠爲茂草。青青子衿。或有歷數十年。不及見古人書者。亦乞勅下學臣。轉行郡縣。貯書學宮。俾獲傳誦。是亦教化之一助也。吳梅村曰。此先生乙未二月疏也。時先生官官詹。留心掌故。正開國文治第一。要着不止。

崇論閎議。頡頏賈董而已。

燕臺文選

初集

雲間田茂遇髯淵父選定

同里杜登春九高父叅評

議

防海議

范廷元

調垣

環海多盜。環海皆防也。山盜伏處叢莽。絕其餉道。扼其要區。塞其歸路。清其隱匿。亂其偵探。可焚林而盡也。海盜則以風波為出沒。辨風候。汛不可倖截。故治海盜較山盜尤難。盜之方起。未

及合部無有重勢紛紜劫奪無所統攝可執筆而御也若乃既出復入養成機候窺伺既深聲息易洩益以向導奔突如意彼且游衍我反坐掣故治既張之盜視治方起之盜爲難本是外寇忽思入犯其所稱船主鮫師未審虛實全恃裏奸爲市絕之出洋禁之交易封泥丸可塞也若原本內賊今作外寇道里遠近河港隱顯兵力單厚餉集多募若燭炤數計反客爲主路路可入故以內盜作外寇較之治原是外盜爲難

然則寧無以制之手首曰巖隄防當隄之外洋也據重守險注其全力如閩之烽火門浙之陳錢江南之馬脊當先據以視必勝而必不可犯于是乎脩戰艦以截之法以大舟勝小舟以多舟勝少舟以風力襄人力于是乎謹哨探畫省而治分汎而出聯哨而歸以成表裏應援之用賊合力爲攻我則分應之賊分頭爲犯我則險扼之賊聯守爲計我則夾挑之更申嚴軍令以擊來賊爲上功以擊去賊爲次功失不擊者按

信地爲罪計當可坐制其死命也。况今之爲海盜者非有如漢之呂母之狡也。晉之孫恩盧循之盛也。隋之高知慧之雄也。宋元之朱清張暄方國珍之橫而毒也。明徐海汪直毛海峯彭老生等之智計也。則今日制之者欲聚陸兵當先練水兵欲絕游民當先護良民故防海者不防之于海也。

田髡淵曰調垣天才敏妙學力沉厚讀其著述皆有用之言笥中存稿甚富不欲卽以問

踏勘蝗災議

魏裔介

在生

海內生靈當兵荒蹂躪之後骨立而存實萬死之餘幸出水火登衽席臣民胥慶從此永樂昇平四年以來風雨以時倉箱不匱至於今歲嘉禾壓地賡歌大有真數十年未見景象也不意蝗災流行秦晉燕趙糲食甚慘百姓迎蝗陣而跪禱大聲悲號三春勞苦盡成枯幹慘若之狀不忍見聞雖撫按大畧奏報例應該部差官踏勘災傷方定蠲免分數但所在被災沿數千里

非如旱澇。單在一方。一踏便明。况各處被災。必不能齊。道里遼遠。部臣差官。猝難遍及。小民田間。狼籍有梗。無穗之餘。收之無實。棄之可惜。若勉力收之。恐踏勘徒存空地。蹈冒報傷災之罪。若槩不收。拾轉眼。孟冬寒氣凜冽。並麥地不及耕種。則來歲之生意盡矣。愚以為不若責成撫按。轉行道府。委廉幹官員。分投逐段。查明確報。既查之後。卽宜大張告示。令百姓收拾殘禾。及時種麥。不至坐待查勘。拋廢農業。然後差官所到。採訪報部。分別蠲免。果有虛冒。罪坐所司。如此則事約易舉。千里之間。往返不過半月耳。百姓雖無望於西成。尚有冀於來歲也。不然蝗食已苦。殘禾在地。部查未到。坐失農時。斃斃小民。是再傷也。

田髯淵曰言之不煩。而被災遺黎。覺便有一着生路。先生留心民事。于疏稿中見古大臣人告章。廣大端已盡。應貯之漆函。銘之黼座。卽此一議。簡直剴切。監門繪圖。無以過也。

江浙水灾救荒議

田庶叔殷

聞○之○施○上○人○之○寔○惠○者○必○先○行○其○所○急○知○下○民○
之○隱○情○者○宜○亟○求○其○所○苦○所○急○者○如○是○顧○取○其○
所○不○急○者○而○計○之○曰○是○例○也○是○不○可○違○也○則○上○
之○以○爲○惠○者○下○之○人○毫○無○所○見○也○所○苦○者○在○彼○
顧○守○其○在○此○者○而○因○循○之○曰○是○例○也○非○例○不○得○
率○行○也○則○下○之○難○爲○情○者○已○致○怨○致○恨○于○當○事○
之○人○蓋○苦○莫○苦○于○今○浙○江○被○荒○之○民○惠○莫○惠○于○
救○此○江○浙○被○荒○之○民○也○江○浙○之○荒○其○原○始○于○春

滂雨多致水水濫為灾茲亦無所容議而春雨
連綿麥稻耕種不獲如時米價頓增數倍常日
東南士民逆知水荒夙夜抱憂乃秋冬之際地
方當事臣方為奏報陳請不知地方有司歷春
與夏所為何事所存何心也况東南為國家財
賦之區荒歉弗恤倘致人離田蕪因成瘠地將
來數百萬之國糈復何所賴則救此天荒誠不
宜拘牽故事徒事文書如越人視秦人之肥瘠
固不可為庸醫救疾之迂緩無效猶非計也然

為此援溺之計必曰蠲租烏知租之不已徵于
州縣之橐里甲之手蠲之或已不及况更待查
覈動至一年半歲田連阡陌者可勿勞此蠲而
窮黎數畝所蠲有幾至於蠲也甚至無其人矣
則蠲者吏胥之利何益垂斃饑民耶而不得已
而後行且不敢輕議者曰賑濟議此賑濟也果
有義倉之儲蓄抑有羨餘之糧合而藏之蘇松
諸府者歟無之也果能留漕運之糧十之一二
以分遺之果能發在官之倉儲通藉那補以散

燕臺文選
米給飼歟抑果能獎勵富民出粟至數千石遣
行人錫勅命勸諭而興之歟又不能也竊謂朝
廷之議賑不及撫臣藩司之預賑撫臣藩司之
預賑不及州縣之設法以賑而賑不可空言而
達料也且江北之災所苦不同于江南江南之
災所苦不同于浙中所同者農耕無獲米糧貴
而饑饉女蚕無桑組織失而窶貧卽有素稱殷
繁之地商賈黠綴不見可憂而鄉里之愁慘男
女之嘆息入其野必有不堪舉口者而况瘡痍

未復累歲未稔之邑其又何以支吾終日也使
計數千里而槩爲一救雖智者不能畫此長筭
使州縣各自爲救而假以便宜又所在無多良
有司亦將奈之何哉雖然今之所謂蠲卽周禮
荒政之薄征也而所謂賑卽周禮荒政之散利
也周禮責司徒以荒政首發此二端則二端固
有益救荒之事而往往致于無益者蠲之不及
其時賑之不得其法也前哲云蠲之策一善行
其蠲之策三起運之課宜省苛徵之察宜密官

守之自奉宜薄也。賑之策一。善行其賑之策六。從朝廷賑之則難。從州縣賑之則易。令上賑之則難。令下民自相賑則易。強民使賑則難。勸民使賑則易。移民就食則難。移食就民則易。散粟給民尚難。爲糜以飼民尤易。使下民貨粟則難。官司爲轉貨而給之尤易也。則惠之不空其惠。在善行其策。善行其策而後所惠有濟於所苦。苦者乃被其德而無所怨。由斯言之。蠲則宜速。蠲不必待撫按之再覈。賑則宜速。賑必覈。程有

司之從事而實能濟於救荒而主其政者。惟在撫臣。撫臣不行經畫區處。則監司守令相與推委。而東南之民命其活者皆司於天。其不能活者皆在上者納而置之矣。古云三年耕餘一年之食。九年耕餘三年之食。言備荒也。旣無備而遇荒。亟施蠲與賑。猶恐不足以立蘇數千里之黔黎。慮不能普徧而匝及也。顧隣省之糴不可遏也。從來爲遏糴之事者。非真有綏靖地方之意。不過聽吏胥之言。借備軍需。防米貴以爲辭。

定則吏胥妬轉貨者之得利而已不得其利故
爲此操縱之術也不知朝廷赤子視之如一坐
視彼之轉滿壑尚禁其越境之糴猶謂之爲國
計也哉則隣省之民宜聽轉貨其米穀禁之非
便又市米之價不可抑也米價騰湧使定之以
爲裁抑之術則賈戶之貴糴不肯折本以賤糴
富農之藏積不肯輕價以糴遠地販米者一聞
價輕不肯無利而來外地之米不入本地之米
不出是坐困其民矣夫乎糴自有法有爲定價

以強平之者宜速解其令也又流徙者在他境
不可驅逐亦不可視其來往而不安全之也流
徙之饑民聚而不安則爲盜不聚而不安則多
死富鄭公在青州屬京東水荒流移就食者不
可勝數乃勸所部民出粟益以官廩以食之擇
公私廬舍散處其人以便薪水慰籍咸出至誠
凡活五十餘萬人募爲兵者萬計不然此數十
萬人不死將爲盜至於起盜其所費尚可計耶
故曰不可不安全之也又山澤有利之物無論

素所禁課。宜悉聽窮民。采取凡訟獄。不得濫聽。官事不得稽延。凡一切上司之應付。草豆之瑣差。當悉計而力減之。凡緊要之隄防。當興修。以便傭工就食者之養。凡田畝之滄淤。民力不能開者。宜官爲之濬導。而開之。凡工藝糊口之夫。不得科擾。以奪其業。若耿弇之常平。朱子之社倉。周忱之儲羨。耗當及時。而興舉焉。故救荒不患無奇策。患無寔心。寔心以察其所急。而謀之。則上惠實施矣。寔心以求其所苦。而利之。則下情寔慰矣。夫寔心不出於任事之人。而有例無例。徒出於任事之口。當事者以爲便。不知卽有大不便者。繼其後。夫豈荒民之幸哉。

薛大武曰。淋漓痛快。實實可見。諸施行是救荒第一策也。輦上君子。宜各書一篇。懸之座右。然食肉者鄙。又恐其視若罔見耳。言念及此。爲呼柰何。

汪雲襄曰。救荒弭盜。古今兩無奇策。而荒爲甚。似此曉暢利弊。區處便宜。似乎周禮荒政。

猶屬迂緩。又何必論貴粟。傳貨殖乎。請懸之
國門。見諸行事。當勿謂處士窓前。僅坐能言
已也。

田髯淵曰。本江都之温醇。發長沙之痛哭。覺
事未舉行。而聞者立有起色。仁人之言。利濟
溥哉。

纂修明史條議

方玄成

懷崗

域中三權。史居其一。所以昭是非。助賞罰也。然
是非之衡。往往淆於一時。明於遲久。故當凡恒
不能成史。而需之易世。晉史成於唐。唐史成於
宋。宋史成於元。元史成於明。職茲故也。我朝
代明有天下。皇上加意右文。開史局。輯儒臣。
取明史而纂修之。甚盛舉也。縹緗玉帙。必有左
馬之鴻裁。出而潤色。千秋輝煌。萬禩烏庸。葵管
哉。然明去今猶近。邪正是非。事多隱忍。三狼未

息二酉常封。故獻已遺。藏書復散。使非持一是以相斟。俟百代而不惑。其何能鑒殷裕。後歸然金簡乎。敢爲末議以獻。故府其一日。論宜一而輯書。宜廣明。洪武七年。天下初定。卽命宋訥。樂韶鳳等纂修實錄。太祖時。臨史局。親與講求。故詹同承御製之篇。陶凱獻會要之請。其後一帝興。必有一帝之實錄。書成而藏之。皇史宬。焚其副。所以著正史之信。絕傳聞之疑也。然有正史之不能無野史。猶有莊語之不能無方言也。有

正史之不可無野史。猶有鍾呂之不可無琴瑟也。典墳構杙。羣供採輯於麟經。天祚陽秋。不棄傳疑于秘監。古之修史者。豈能據一說。衡千古哉。卽如仁宣以前。戰爭殺獲之蹟。詳矣。而文物采章之懿。則略。英憲以後。守成紹統之業。詳矣。而命將行師之著。則略。兼之靖難之譁。忠闇邊之紀錄。復辟功臣。不言九門之績。豹房宵壬。好疑八字之忠。則正史不能無曲筆也。况列廟相承。大儒輩出。宋學士之日曆。首稱國初文獻。商

文毅之綱目。號爲乾道忠臣。薛應旂之憲章錄。鄭曉之吾學編。雷禮之大政紀。陳建之通紀。王世貞之史料。暨典則從信。鴻猷通考。諸書簡而覈。典而不穢。皆可採焉。果訪求搜輯。囊括羣言。則曲直罔諉。見聞不陋矣。其一曰。筆宜直而持。心宜平。皇甫謐曰。合聖人之經者。以心不以迹。得良史之體者。在適不在同。前人往矣。以我之心。合前人之心。雖起前人於九原。而褒之無赧。貶之無飾詞。董狐而後。吾難其人焉。卽如靖

難之興。繇後觀之。不得已也。然當日平勃之流。已謝吳楚之勢。漸成所謂削亦反。不削亦反也。方景齊黃之誅。由後觀之。誠逆天也。然一抔未安。六尺何在。諸公之事。是耶非耶。且建文太祖之孫。懿文之子也。南面君天下。則太祖所組綬而冊者也。列宗統緒。則其所覆籍而傳天下。臣民則其所握符而御者也。夫以太祖之孫。懿文之子。南面而君天下。及其沒也。曾不得半俎之享。於鍾簏之側。於情安乎。永樂間。初幸兆平。卽

命胡廣夏原吉等重修高錄則當時已不能無
慚德矣。土木之難未有之變也。邠王之立不易
之論也。無君有君。雖使伊周復生。無以易此而
于謙之可議者。曰易儲不諫耳。嗟乎。爵祿崇高。
威名震主。城上之言。君實聞之。故聖人之處危
也。亡其身而身存。舍其功而功立。彼忠肅者。其
亦有保身完名之心乎。此身之所以終亡而名
之所以終敗也。要之邠王所受者。高帝之天下。
非正統之天下。則英廟所復者。亦卽高帝之云。

下。非景泰之天下也。况鳴鐘之頃。景泰病已彌。
留而復孑然無血胤也。門卽不奪。亦應歸舊君。
舊太子矣。石徐何功哉。大禮之議。卽濮議也。宋
諸儒之論美矣。而當國何不聞。承孝宗之統。不
承孝宗之嗣。以興獻爲皇考。而稱孝宗爲皇伯。
考張桂之論。適符天心。而未免涉於諛。至欲入
獻廟。而躋僖公之主。絕孝享。而孤伯有之魂。則
附會之過。小人之尤也。挺擊之奇。張差誠風顛
矣。然何不顛于五都之市。而必顛於元子之宮。

幸衛士嚴立而擒耳。假令奮挺之呼得逞。前星之耀。韜光乃執。亂賊而謂之曰顛耳。顛耳猶可言乎。此提牢之不可以不究也。雖然。差有死法。無究法也。夫當時之所欲究者何。授挺之人也。老璫之姓名也。其勢及鄭妃矣。及福王矣。夫鄭妃者。神宗之愛嬪也。福王者。光宗之介弟也。萬一根株蔓及。禍逮懿親。取少子於深宮之中。出愛妾於椒房之內。而淮南不貸。煮豆與歌。於神宗之心安乎。又於光宗之心安乎。當時諸臣止

說也。智者見禍於未形。君子論事以常理。光宗顧命妃之也。非后之也。於熹宗姆之也。非母之也。春秋既壯。負辰當陽。而選侍不退母乎。非母乎。母之而假妻白母。未蒙先帝之冊。難登列后之宗。不母之而正位坤寧。儼然翟氏。且如初之質。不迫漢昭。蠱術之行。方嗟前轍。能不為之寒心乎。牽衣固請。垂簾之萌也。夜召臺垣。羅錯吉網之漸也。踉蹌呼救。苟媚希容之故智也。主少國疑之時。而以不妃不后之人處似母非母之

地○危○疑○莫○大○於○此○矣○僭○亂○莫○大○於○此○矣○此○又○是○
非○不○兩○立○之○案○也○其○一○日○員○宜○備○而○任○人○宜○專○
史○非○一○時○之○書○亦○非○一○得○之○見○然○歷○考○十○七○史○
則○皆○成○於○一○人○手○也○蓋○守○一○見○而○不○集○衆○思○乃○
家○言○非○公○論○集○衆○長○而○不○斷○一○是○乃○備○考○非○傳○
心○故○龍○門○扶○風○父○子○相○繼○新○唐○舊○唐○歐○宋○平○分○
五○代○史○力○追○大○雅○南○北○宋○各○有○專○能○惟○至○遼○金○
元○文○多○卑○冗○事○復○紛○淆○豈○其○時○勢○使○然○哉○抑○朝○
無○專○職○也○明○初○設○史○局○有○纂○修○之○官○卽○有○總○裁○

知○議○論○之○當○伸○而○不○知○骨○肉○之○難○處○止○知○意○氣○
之○當○烈○而○不○知○國○體○之○重○關○故○究○風○顛○所○以○警○
奸○警○奸○所○以○忠○光○宗○也○殺○張○差○所○以○全○體○全○體○
所○以○忠○光○宗○也○此○兩○是○之○案○也○紅○丸○之○進○李○可○
灼○利○僮○耳○乾○清○禁○禦○擁○衛○千○靈○一○丸○何○由○輒○達○
玉○凡○此○刑○餘○近○倖○之○流○因○國○難○而○希○榮○媚○寵○罪○
矣○而○日○鳩○弑○非○也○至○嘗○藥○之○誅○不○宥○許○止○討○賊○
之○誼○豈○追○趙○宣○五○十○年○之○天○淵○政○聞○三○十○日○之○
堯○舜○初○臨○女○戎○在○後○男○戎○在○前○此○國○家○何○等○時○

而可聽。小人之嘗試乎。且彌留在寅。告崩在卯。輔臣之入閣在辰。豈曳履悠閒之時乎。醫術無效。雖闖闖不爲功。而金緋稱體。綵繒盈筐。不聞少諍。豈嘿嘿取容之事乎。此是非不兩立之案也。選侍之移時也。禮也。或者曰。父母有愛妾。沒身敬之不衰。仰承掖巷。撫育皇嗣。有年矣。曾幾何日。而巾櫛栝棧之不念乎。且皇妹方在襁褓。垂簾實無証據。父終子繼。天與人歸。選侍一婦人耳。有何危疑。有何僭亂。翊定策乎。雖然。此邪

之命。總裁者非才。望元勳。卽文行碩彥。纂修者卿寺曹郎。博士教官。吏目審理。隱逸布衣。皆得與焉。史成而上之。專官加以刪定。重之也。迄後起居備員。翠華稀御。螭頭彤管。旣無事堪書。卽歲輯六朝章奏。刪付史館。而衮鉞未定。徒侈編摩。欲其矩矱燦然。真足以懸國門而詔來世。未之見也。然則今日爲此者。當分兩局。一倣通鑑綱目之體。而爲編年一書。以傳其事。自洪武迄崇禎。君臣將相之畧。因革治忽之關。以事系日。

以日。系。月。以。月。系。時。以。時。系。年。而。又。挈。綱。分。目。
綱。繼。春。秋。以。參。羣。史。之。長。目。從。左。氏。以。合。諸。儒。
之。粹。一。倣。馬。遷。班。固。之。體。而。為。紀。傳。一。書。以。傳。
其。人。人。豈。無。生。平。矯。矯。而。一。事。偶。垂。乎。豈。無。立。
朝。無。聞。而。家。多。隱。德。乎。豈。無。身。前。汶。汶。而。事。久。
論。定。乎。訪。之。家。乘。採。之。碑。碣。摘。之。稗。官。小。說。問。
之。鄉。邑。士。紳。而。又。合。朝。廷。之。禮。樂。兵。刑。天。官。地。
理。河。渠。律。曆。財。賦。藝。文。為。志。為。書。為。本。紀。為。世。
家。為。年。表。為。列。傳。然。後。擇。極。備。三。長。柄。持。二。善。
者。以。專。任。筆。削。俾。其。文。辭。雅。馴。事。蹟。統。紀。則。三。
百。年。之。鴻。功。偉。伐。懿。行。嘉。言。可。不。朽。矣。此。三。議。
也。敢。以。為。纂。修。明。史。之。助。

田髯淵曰層層翻駁具見原本有明數大事
若指諸掌先生家學相承真今日龍門蘭臺
也想三百年典故已有成書會須出之各山
獻之天祿使操觚諸家退避不遑耳

熾文天新封縣願請案與報不與耳
出賦三百羊典與日百如書會取山之谷山
未前請學去主案學師承真今日請門蘭臺
田隸賦日曾曾隨地具長思本亦則壞大率
出類必為纂抄則史之祖
有平之賦也新外讀亦毒言可不休矣此三類
皆與專升筆論野其文續錄則車趨而歸限三

治河議

季振宜 滄葦

強。天。下。之。至。動。而。欲。使。之。安。其。故。而。不。遷。者。其
治。河。乎。且。今。之。河。非。古。之。河。也。古。之。河。分。為。二
疏。為。九。而。今。乃。注。于。一。淮。是。也。今。之。治。河。非。古
之。治。河。也。古。之。治。河。止。欲。除。其。害。而。今。且。資。其
利。漕。是。也。漕。之。行。可。海。運。可。陸。運。可。轉。運。是。河
可。少。緩。而。今。則。不。能。分。淮。之。合。有。渦。河。有。汴。河
有。白。河。則。河。可。少。殺。而。今。又。弗。能。通。也。禹。之。治
水。也。先。治。河。導。之。也。非。與。之。爭。故。自。禹。之。後。無

水患者七百七十有餘年。商家數苦河患。都城
屢遷。而修治之法不傳。大約宗禹之遺意。爾洎
周定王時。河南徙矜礫。而九河之故道以失。自
茲以後。河非禹之河。而治河者亦失禹之所以
治。大約曰疏。此禹意也。而疏有二道。有濬河身
以導其流者。今人樂爲之。有鑿別流以分其勢
者。今人不樂爲也。曰塞。此非禹意也。而塞亦有
二道。有乘其未潰而遙治隄防者。功或費。而今
人緩視之。有因其橫溢而始下淤填者。功未必

不費。而今人急視之。何也。愚謂塞不如疏。塞之
既決。不若防之未潰。既濬河身。不可不鑿別流。
亦惟師禹之遺意而已。請言三代以後治河者。
之所以得所以失。可乎。興東都之卒。以塞金隄。
此漢孝文時事也。使汲黯。鄭當時。塞匏子。此孝
武元光時事也。而旋塞而旋壞矣。湛壁馬。築宣
房。徒盡淇園之竹耳。幸當時復通北行二渠。猶
存禹迹。乃後河復決。館陶分爲屯氏河。東北入
海。則河且自爲疏矣。自此兗州以南六郡無水。

患則疏之。愈于塞也。穿渠直東。經東郡界中。不
令北曲。渠通利。此光祿大夫郭昌議也。請復通
屯氏。及浚郭昌所濬。以殺水勢。此清河都尉馮
遂議也。當時之言。有用有不用。而成帝時。河泛
溢。兗、豫、灌四郡三十二縣。較地節時之安。瀾利
害。爲何如。自尹忠殺而王延世倡爲苟且旦夕
之計。雖三十六日而堤成。不二年而平原復決。
愚謂當追論延世之罰。乃通侯如故。耶。許商馬
延年繼延世而起者也。時愈塞愈潰。灌二十一

名城。雖孫禁議通馬篤河。而更以異議中止。識
者惜之。乃谷永、李尋委之災變。置之不治。更可
笑矣。哀帝時。河隄使者平當奏言。按經義有決
河深川。無隄防壅塞之文。實本論也。待詔賈讓
更陳三策。上策謂徙冀州民當水衝者。決黎陽
遮害亭。放河北入海。此與武帝時齊人延年所
上書相去不遠。中策謂多穿漕渠于冀州地。分
殺水怒。使民得以溉田。其說甚善。而當時之人。
狃于成見。似反取下策。隄防之說。何耶。新莽竊

柄。徵天下能治河者以百數。而言人人殊。如張
戎。桓。譚。韓。牧。王。橫。諸人之論。究無見之施行者。
光武反正。因張汜上言。卽發卒營度。旋以樂俊
之議中止。後顯宗乃命王景修築隄防。自滎東
至千乘海口千餘里。鑿山破砥。截溝疏壅。令更
相洄注。時河入千乘。而德棣之河。又播爲八水。
有所洩。而力分。合于禹功。故河不爲患者自此。
至唐千百有餘年。蓋漢之治河者。莫善於賈讓。
而王景諸人次之。莫不善于王延世。而許商諸
人次之。周顯德初。大決東平之楊劉。宰相李穀
更議隄防。然終不復故道。離爲赤河。宋太祖時
赤河決。遣使行視。發畿甸丁夫繕治。歲以爲常。
已決澶州。姚恕坐弃市。詔開封等十七州各置
河隄判官。又決濮陽。決陽武。命曹翰往塞之。而
疏之法。不講矣。太宗時。一決泗州之安陽。再決
滑州之韓村。若浚儀。若澶州。皆決處也。時使者
回奏。謂治遙隄。不若分水勢。宜于滑澶二州之
南北岸。各開其一。北入王莽河。以通于海。南入

靈河以通于淮。節減暴流。一如汴口之法。說竟不行。乃平河之歌。猶作于雍熙之載。迂矣。真宗在大名。詔調丁夫十五萬修河。而王濟以爲勞民。後決通利軍。決棣州。李垂上導河形勝書。欲復九河故道。非臆說也。仁宗時。無歲不決。河患甚于宋。而宋之河患。甚于仁宗。編年所載。不能悉舉。其時廷臣之論。幾于聚訟。若蔡齊之議。謂宜順趨道。護魏州。李仲昌之議。謂宜穿六塔渠。入橫隴故道。主其議者富弼也。歐陽修之議。謂

宜增治隄防。疏下流。使入海。宋昌之議。謂宜疏六塔。并二股河。導使東。王亞之議。謂黃河御河。通北行。於赴海疾。司馬光之議。謂宜于二股西。置上約。擗水令東流。俟東流深。卽塞北流。同其議者。張茂則也。則已左。王亞而右。宋昌矣。韓琦之議。謂河門束狹。上下約。則二股必與北流爲一。蓋又與光等爲左者也。王安石之議。謂北流不塞。占公私田甚多。必閉之以收其利。阿其議者。范子淵。李公議。程昉也。大抵熙寧初。專欲導

河使東流。閉北流。元豐後。因河決而北。議者始欲復禹故迹。令北去。元祐初。霖雨溢河北。諸郡而回。河東流之議復起。文彥博。呂大防主之。其始終以爲不可者。蘇轍。范純仁。胡宗愈。范百祿也。後吳安持。李偉復力主東流。而謝卿材上河議于政事堂。獨斥其非。與趙侗。河事三利害。意見正同耳。郭知章。劉奉世。黨文呂者也。張商英。王祖道。任伯雨。更以蘇范之議爲是。總之。宋之治河。漫無成見。一再傳後。孟昌齡之議行。而天

成聖功之橋。纘禹繼文之閭。何其穢也。南渡後。貽其禍于金源氏。迨元時。河決屢告。大德初。蒲口復決。命尚文相度形勢。爲久利之策。乃間歲降塞。工役實苦。後脫脫爲相。論及河決。請躬親其仕。讀歐陽玄河平碑。何詳且整也。豈得以石人之謠。棄賈魯之三策哉。明初河決。陽武。永樂時。議濬黃河故道。不果。蓋前此未有以漕全屬之河者。自明始。故言河之臣。爲獨詳。請得而悉數之。夫欲于祥符縣中濬河舊道者。工部侍郎

張信也。請先疏水勢。水勢平乃治決口者。都御史徐有貞也。築陽武長堤以防長秋中牟之決。濬宿州古汴河及疏月河十餘以殺水勢者。戶侍郎白昂。兵部中婁信也。濬賈魯舊河。孫家渡導之南行者。都御史劉大夏也。欲于下流迤東之地。條數河以分水勢者。學士丘濬也。議將河舊身開數支達平原抵直沽者。學士張元禎也。謂宜于昭陽湖左滕沛魚臺之中。別開一河南。接留城北。接湖口者。尚書胡世寧也。先通運河。

沿昭陽築長堤張水門以蓄洩者。詹事霍韜。與少詹方獻夫也。欲于河陰原武懷孟間導河入衛以達臨清者。僉事江良材也。謂巨野釣魚口安山固窪下處較南旺馬腸樊州安山諸湖較低。改漕經焉。可免濟寧高源淺徙之艱者。侍郎黃綰也。開新河北起姜家口南至留城一百四十餘里以通漕者。總督盛應期也。謂寧引沁以通漕毋引河以滋害者。都御史劉天和也。謂河直秦溝可因其勢而利導之者。都御史朱衡也。

欲于回回墓一帶開通以達于鴻溝。令谷亭湖
陵之水皆入昭陽者。總河翁大立也。善固隄防。
申平江伯故畫者。都御史潘季馴也。議廣開入
海之途。盡闢清口之沙以導淮正流者。御史牛
應元也。挑韓莊中心溝通彭河水道以入黃者。
總河舒應龍也。鑿良城侯遷莊。至宿遷董家溝
以試行運者。總河劉東星也。陳泇河利運。尋劾
劉舊績者。主事梅守相也。總明諸臣之論大率
曰。疏者十之七。言塞者十之三。治以疏則河且

有數年之寧。如徐有貞輩是也。治以塞則不能
爲旦夕之計。如潘季馴輩是也。今國家以漕全
屬之河。以河獨注之淮。視明時無異。則亦慎審
明治河之。所以得所以失而可矣。宋學士漁有
言曰。河流合則勢悍。分則力弱。辟猶百人爲一
隊。則其力全。莫敢與之爭鋒。若以百分而爲十
則勢損。又以十各分爲一。則全屈矣。宜浚舊淮
河。使其水南流。復于故道。然後分其半。使之北
流。以殺其力。則河之患可平。此卽賈讓上策之

遺意也。夫田滄瀛之間，得穀無數。人自為耕，則漕可省。河可不治，而今不能也。開膠萊河，以避白蓬頭之險。海運可復，則漕不經河。河可不治，而今不能也。由鄭可以達河，由沁可以達衛。衛鄭通而河不與焉，則河可不治，而今不能也。沿河置倉，隨地轉運。江船不入汴，汴船不入河。河船不入衛，用劉晏之法，則河可不治，而今不能也。既不能不治，則當思所以治之。孫愷陽曰：設專局以久任，為遷遷以責成。省議論以寬中制。

之權嚴賞罰以核功罪之實。此一說也可以治乎未也。仰而遡之，宋藝祖曰：霖雨不止，又聞河決。朕信宿以來，焚香上禱于天。若天災流行，願在朕躬，勿延于民。罪已彌矣。此一說也可以治乎未也。又仰而遡之，周太子晉曰：佐饗者嘗佐鬪者傷。夫天地成而聚于高，歸物于下。疏川導滯，鍾水豐物。此一說也可以治乎未也。按周用嘗言河之不安其流，由于阡陌之壞。溝洫之不修，蓋古之溝洫，即後世之渠。今江南之地，水渠

甚多而霖雨連旬。猶或橫溢。况北地上堂水泉。少至行數十里。不得井。河當秋水時。至百川灌輸。挾六七月之淫潦。盡天下西北大半之水。並助爲勢。故漫漶而不可制。誠于河南山東地。定其疆理。先因通流。畫爲大渠。多者五六。少者三四。次因頃畝。畫爲中渠。小渠。水滯則趨。旱乾則節蓄。非止可以平水患。抑亦可以興民利。而漕運可省。東南民力可舒。萬一地方有警盜賊相顧。不敢橫奔。則推其餘力。又可禦戎馬。此丘瓊出之所以亟推是說。而總不外疏之一法也。蓋水患至懷襄極矣。治水至大禹神矣。而繡衣之傳。綠字之秘。不聞另有創見焉。今之人。德不若禹。而今之水。暴不過唐。則先儒所謂從下流入手者。正可深長思也。不然。以區區馬頭鋸牙之物料。而欲與百泓滙海。數千里。蜿蜒之勢。相角。是猶以敗樊而圍猛獸。頽垣而制奔蹄。坐見其放逸。而莫之致也。亦殆矣哉。

吳梅村先生曰。上下古今。分條利害。皆鑿然

可行。瞭若指掌。如將百萬之軍。部伍進止。不煩指麾。非讀書明理。奔走浩汗者。不能及此。使人驚焉。如河伯之望若也。○又曰。斷案畫然。段落皆古。經世之文。救時之論。

魏石生先生曰。字字經國。石畫可授簡而志河渠矣。

燕臺文選 初集

雲間田茂遇鬚淵父選定

同里章颺高武謀父叅評

制誥

擬唐以房玄齡杜如晦為左右僕射。以魏徵守秘書監。叅預朝政制。

田庶 叔殷

制曰。靖基之鉞。載休躋平。需佐戡亂之戈。旣偃關。治右文蓬蒿。刈而植喬木。孰分二南之績於

兩揆。梓材斲而飾新丹。其庀三宅之猷於中極。維陵平克劑夫。若甘則勃。誼宜叅其步武。求舊得人。虎幃留夾輔之器。移忠推効。鳳池褒直諒之儒。若金置礪。緣旱作霖。升二三臣洽邦國理。爰告百辟。敬敷朕言。具官房玄齡。質本明達。學注淵源。矢謀探策。凝留侯之獲素書。白事執圭。比鄭卿之捧國簡。鑑采雋良。雅調將佐。覩七士之進蒸。知三事之夙夜。王佐有聞。固嘉集益。个臣無技。尚利能容。具官杜如晦。性合道要。識映

剛中。引譽髦以滋多。歷險阻其如一。剖割叢務。玉鉉寓諸玉斧。經營物方。金矢得自金貞。天人見透。幾先則精。同異嫌消。衆和必利。時資論道。厥允基邦。具官魏徵。稟粹爲傑。履坦成幽。一璞弗雕。十思堪繹。居諫議而克弼。予違讜論著匡。衡之氣。籌嶺南而厚充。朕德哲謨。勝韓信之師。詩禮澤人。簡書勞爾。旣識王道。匪遠或其帝心。賚茲三臣。殊幹一德。全符惟玄。齡善謀可以製。治錦惟如。晦克斷可以裁。政機惟徵。敢言可以。

振國紀並宜翊參大猷。光膺僉屬蒸黎小康。爾
用迪之於熙皞。要荒洊至。爾用措之於綏寧。蓋
守天下如寘器。草昧之雄畧。罔足憑。顧保天子
如奉盈。風雨之恒愆。咸若惕股肱。勵翼臺閣。贊
襄俾漢家制度郁乎周。庶霸世規模晉於帝。殷
監在隋。殫乃燮理調和。莫茲郊廓之鼎。前戒云
瑀。揆之正誼明道。錫我河洛之龜。於戲天視靡
私。得命式難。謹之懼民依何戴。撫圖覺凜馭之
艱。翳法益契。臯陶之儆予。尚希虺尹。萊宋之衛。

擬宋以范仲淹參知政事富弼為樞密副

使制 慶曆三年

汪 瀚 雲襄

制曰黃扉贊化道隆弼直之司丹陛助猷義重
腹心之寄故虞廷亮采咨四岳以宅百揆周典
建官詔司馬以專九伐洎後三臺互建迄今兩
府宏開唯文武之濟美代著茂勳致中外之乂
安人皆頌德歷選乃位我得其人咨爾在廷咸
聽朕命具官范仲淹抱先憂之志義以臨事精
能貫日忠以成謀用若投水具官富弼優正直

之科。艱危致命。大事能斷。出入勤王。遠圖是經。或歷任安撫。或著勞奉使。胸中藏數萬甲兵。境上爭三字獻納。惟淹之公忠。可以沛膏露於禹甸。惟弼之嚴毅。可以消烟燧於堯封。簡在朕心。洽乎朝聽。是用升鳳池之寵秩。聯虎節之榮章。倚殿宗祔。用陪京室。於戲。朕方思濟州之舟楫。憶細柳之旌旗。集夔龍于池上。欲敷禮樂三千。收頗牧于禁中。冀壯山河百二。尚其能能共揚厥休。江湖有志。其補闕于仲山。薪膽無忘。

克壯猷於方叔。安危注意。賴平勃之交。懽謀斷相資。期房杜之助美。苟率修罔懈。無失鹽梅酒醴之心。庶相和以諧不迷。卿景星雲之旦。欽哉。田髯淵日風雲在握。星漢成文。燕許手筆。自堪獨步。

上。平。二。字。讀。謂。作。奇。之。公。志。若。此。則。亦。可。謂。之。奇。
 何。唯。新。之。氣。校。可。以。消。解。之。是。也。對。面。在。此。處。
 其。餘。亦。未。正。則。亦。可。謂。之。奇。也。其。餘。亦。未。正。則。亦。可。謂。之。奇。也。

其。田。滿。賦。曰。風。雲。斗。鬪。皇。氣。如。交。燕。指。手。筆。自。
 翻。以。心。無。味。味。以。精。不。凝。映。景。皇。雲。之。旦。光。光。
 孫。寶。腹。氣。林。公。世。美。荷。率。對。同。翰。無。夫。豈。蘇。商。
 京。世。猶。然。衣。珠。吏。欲。我。意。願。平。陽。之。交。對。新。商。

(The left page is mostly blank or contains extremely faded text that is illegible.)

